

SOALAN LAZIM (FAQ)

Semakan Garis Panduan Pinjam Meminjam Sekuriti (Garis Panduan SBL)

1) Apakah perubahan yang diperkenalkan oleh semakan Garis Panduan SBL?

Garis Panduan SBL yang dikeluarkan pada 27 Disember 2006 dahulunya hanya meliputi transaksi SBL yang dijalankan bawah model agensi pinjaman pusat (CLA), yang mana Bursa Malaysia Securities Clearing diberikan kuasa oleh Suruhanjaya Sekuriti untuk bertindak sebagai CLA bagi semua aktiviti SBL di Malaysia.

Garis Panduan tersebut kini disemak dan dipinda untuk memudahkan pengenalan transaksi atas kaunter SBL bawah kerangka kerja *SBL-Negotiated Transaction* (SBL-NT) di Malaysia.

2) Apakah model SBL-CLA dan model SBL-NT mempunyai peraturan yang sama?

Ya, peraturan bagi model SBL-CLA dan model SBL-NT adalah sama, iaitu:

- a) Peserta pasaran mesti mendapat kelulusan yang diperlukan daripada rumah penjelasan yang diluluskan sebelum membuat transaksi dengan SBL;
- b) Hanya sekuriti yang layak, yang telah ditetapkan oleh rumah penjelasan yang diluluskan, layak bagi transaksi pinjam meminjam;
- c) Semua aktiviti SBL mesti dibuat melalui rumah penjelasan yang diluluskan bawah model CLA atau dimudahcarakan oleh rumah penjelasan yang diluluskan bawah model SBL-NT; dan
- d) Peserta pasaran mesti mematuhi keperluan yang ditetapkan dalam peraturan bursa saham, rumah penjelasan yang diluluskan dan depository pusat.

3) Bagaimana peserta pasaran layak mendapat pengecualian cukai sebagaimana yang ditetapkan dalam Perintah Cukai Pendapatan (Pengecualian) (No.30) 1995?

Untuk layak mendapat pengecualian cukai sebagaimana yang ditetapkan bawah Perintah Cukai Pendapatan (Pengecualian) (No.30) 1995, pemberi pinjaman atau peminjam perlu mendapat kebenaran SC manakala perjanjian SBL mestilah diluluskan oleh SC.

Bagaimanapun, bagi memudahkan peserta pasaran, dalam kedua-dua model SBL, Garis Panduan SBL menetapkan seperti yang berikut:-

Model SBL-CLA

- a) Rumah penjelasan yang bertindak sebagai CLA dianggap dibenarkan oleh SC sebagai peminjam yang dibenarkan dan/atau pemberi pinjam yang dibenarkan.
- b) Pemberi pinjam atau peminjam yang telah diluluskan oleh rumah penjelasan yang diluluskan untuk menyertai model CLA akan dianggap sebagai peminjam yang dibenarkan dan/atau pemberi pinjam yang dibenarkan.
- c) Perjanjian di antara rumah penjelasan yang diluluskan dan pemberi pinjam atau peminjam (mengandungi terma dan syarat untuk bagi peserta yang meminjamkan atau pemberi pinjam, terma dan syarat bagi peminjam, pekeliling dan peraturan rumah penjelasan yang diluluskan) sebagaimana yang dinyatakan oleh rumah penjelasan yang diluluskan dalam peraturannya akan dianggap sebagai perjanjian SBL yang diluluskan oleh SC.

Model SBL- NT

- a) Peminjam atau pemberi pinjam yang diluluskan oleh rumah penjelasan yang diluluskan sebagai pemberi pinjam SBL-NT atau peminjam SBL-NT yang diluluskan akan dianggap sebagai pemberi pinjaman yang dibenarkan atau peminjam yang dibenarkan.
- b) Perjanjian antara pemberi pinjam SBL-NT atau peminjam SBL-NT yang diluluskan akan dianggap sebagai perjanjian SBL yang diluluskan sekiranya perjanjian SBL tersebut mengandungi terma dan syarat minimum sebagaimana yang ditetapkan dalam peraturan rumah penjelasan yang diluluskan.

4) Bolehkah peserta pasaran yang tidak diluluskan oleh rumah penjelasan yang diluluskan, tetapi mempunyai perjanjian SBL dengan peserta pasaran lain yang diluluskan, layak mendapat pengecualian cukai sebagaimana yang ditetapkan dalam Perintah Cukai Pendapatan (Pengecualian) (No.30) 1995?

Ya, dengan syarat peserta pasaran itu memenuhi kriteria dalam Garis Panduan SBL yang dinyatakan di bawah:-

Model SBL-CLA

Peserta pasaran akan dianggap sebagai pemberi pinjam yang dibenarkan dan/atau peminjam yang dibenarkan jika peserta pasaran itu telah membuat perjanjian SBL dengan peminjam atau pemberi pinjam yang telah diluluskan oleh rumah penjelasan untuk menyertai dalam model CLA dan terma dan syarat perjanjian itu mematuhi sepenuhnya peraturan dan arahan bursa saham dan rumah penjelasan. Perjanjian antara peserta pasaran dan peminjam atau pemberi pinjam yang dibenarkan akan dianggap sebagai perjanjian SBL yang diluluskan oleh SC.

Model SBL-NT

Peserta pasaran akan dianggap sebagai pemberi pinjam yang dibenarkan dan/atau peminjam yang dibenarkan jika peserta pasaran itu telah membuat perjanjian SBL dengan peminjam SBL-NT atau pemberi pinjam SBL-NT yang telah diluluskan oleh rumah penjelasan yang diluluskan untuk menyertai model SBL-NT, dan perjanjian SBL itu mengandungi terma dan syarat minimum sebagaimana yang dinyatakan dalam peraturan rumah penjelasan yang diluluskan itu. Perjanjian SBL antara peserta pasaran dan peminjam SBL-NT atau pemberi pinjam SBL-NT yang diluluskan akan dianggap sebagai perjanjian SBL yang diluluskan oleh SC.

5) Dimanakah peserta pasaran boleh mendapat maklumat lanjut mengenai peraturan cukai bagi transaksi SBL sebagaimana yang ditetapkan dalam Perintah Cukai Pendapatan (Pengecualian) (No.30) 1995?

Lembaga Hasil Dalam Negeri Malaysia telah mengeluarkan Garis Panduan Cukai Pinjam Meminjam Sekuriti yang kini ada di laman web –

- Lembaga Hasil Dalam Negeri Malaysia di www.hasil.org.my
- Bursa Malaysia di www.bursamalaysia.com
- Laman web SC di www.sc.com.my.

August 2009